


1939



# Apoteke Sarajevo

Javna ustanova za promet lijekova, ljekovitih preparata i ostalih roba  
Bosna i Hercegovina

Federacija Bosne i Hercegovine

KANTON SARAJEVO

PRIMJENO: 01-06-2020

Broj predloga	Broj	Klasifikacija	Klasifikacija
12553-107	04	04	101

Bosna i Hercegovina  
Federacija Bosne i Hercegovine  
SKUPŠTINA KANTONA  
SARAJEVO

N/p Dr. Mirza Čelik, predsjedavajući Skupštine Kantona Sarajevo

**Predmet: Odgovor na zastupnička pitanja – dostavlja se**

Poštovani,

u skladu sa aktom broj: 01-04-12553-11/20 od 19.05.2020. godine, kojim tražite odgovor na zastupnička pitanja zastupnice Jasne Duraković, dajemo sljedeće odgovore:

1. Nisu tačni navodi Zastupnice „da je direkcija JU „Apoteke Sarajevo“ u trenutku proglašenja prirodne nesreće uzrokovane korona virusom iz poslovnog prostora u vlasništvu države preselila u poslovni prostor u privatnom vlasništvu izvjesnog Salihović Nersudina od nekih 300 m<sup>2</sup>, u kojem je u kancelarijama bilo smješteno po pet ili šest uposlenika bez mogućnosti otvaranja prozora, bez mogućnosti propisane fizičke distance, te bez vanjskog svjetla, što predstavlja ozbiljan problem i direktno ugrožava zdravlje svih pojedinaca i njihovih porodica koji rade u takvim uvjetima u kriznom periodu“.

JU “Apoteke Sarajevo” – dalje u tekstu kao “JUAS” je u 2019. godini, a na osnovu Odluke Upravnog odbora JUAS (broj: 01-01-1111-5/19 od 26.06.2019. godine) i jednoglasne Odluke Skupštine Kantona Sarajevo („Službene novine Kantona Sarajevo“, broj: 40/19), za koju je i uvažena zastupnica glasala, promjenila sjedište sa adrese Aleje Bosne Srebrene bb, na novu adresu Kranjčevićeva 29 Sarajevo.

Navodi da je JUAS u predmetni prostor preselila u period proglašenja prirodne nesreće nisu tačni jer je Ugovor o zakupu poslovnog prostora zaključen 22.10.2019. godine, a u prostor smo uselili 01.12.20219. godine.



# Apoteke Sarajevo

Javna ustanova za promet lijekova, lijekovitih preparata i ostalih roba

Razlozi za promjenu sjedišta su prije svega smanjenje troškova za najam poslovnih prostora, koji na nivou JUAS na godišnjem nivou iznose preko 600.000 KM, kao i racionalnije i optimalnije korištenje neiskorištenih slobodnih poslovnih prostora na tri lokaliteta površine cc 400 m<sup>2</sup> sa kojima već raspolažemo, a u kojima je sada smješten dio stručnih službi.

Ranije sjedište JUAS je bilo na adresi Aleje Bosne Srebrene bb, u zgradi JU Studentski centar Sarajevo. Njegova ukupna površina iznosila je 795 m<sup>2</sup>. Cijena najma i režijskih troškovima na mjesečnom nivou iznosila je 10.600,00 KM bez PDV-a ili 127.200,00 KM na godišnjem nivou. Iz izloženog se vidi da su troškovi iznajmljivanja prostora bili visoki i da je bilo nužno iznaći hitno rješenje uštede, obzirom na negativno poslovanje JUAS-a.

Također, kao razlozi za preseljenje u zgradu Studentskog centra su bili proširenje Apoteke Grbavica, Apoteke Čengić Vila, odnosno Centra za palijativnu njegu i Centra za medicinska pomagala, što se nikada nije realizovalo, te su ti prostori bili prazni, ali uz kontinuirane troškove.

Zakupnina u novozakupljenom poslovnom prostoru iznosi na mjesečnom nivou 5.006,25 KM bez PDV-a, odnosno 60.075,00 na godišnjem nivou.

Ukoliko se napravi komparacija troškova zakupa ova dva poslovna prostora, vidi se da JUAS u novom poslovnom prostoru na godišnjem nivou ima manje troškove iznajmljivanja za cc 53%.

Ukupna površina novozakupljenog poslovnog iznosi 333 m<sup>2</sup> i sastoji od devet zasebnih kancelarija, od kojih osam imaju prozore koji se mogu otvarati. Nisu tačni navodi da je u kancelarijama sjedilo po pet ili šest ljudi. Maksimalan broj radnika koji su sjedili u jednoj kancelariji je bio tri. Što se tiče uslova rada za vrijeme proglašenja prirodne nesreće, postupali smo u skladu s naredbama Kriznog štaba i preporukama Zavoda za javno zdravstvo.

- Izbor advokata je izvršen nakon provedenog postupka javne nabavke u skladu sa Pravilnikom o postupku dodjele ugovora o uslugama iz Aneksa II dio B Zakona o javnim nabavkama („Službeni glasnik BiH broj 104/14) – „pravne usluge“. Vrijednost predmetne nabavke za period od jedne godine iznosi 25.000 KM. Tačni su navodi da je angažovani advokat bio radnik JU „Apoteke Sarajevo“, te da poznaje legislativni i insitucionalni okvir u kojem djeluje JUAS.



# Apoteke Sarajevo

Javna ustanova za promet lijekova, ljekovitih preparata i ostalih roba

3. Tačni su navodi „da je nakon sticanja uslova za penziju na osnovu ugovora o djelu angažiran savjetnik generalnog direktora“. Ugovor je zaključen uz prethodnu saglasnost Upravnog odbora na period od tri mjeseca. Razlozi za zaključivanje ovog ugovora su što je, u skladu sa Zaključkom Skupštine Kantona Sarajevo (broj: 01-04-3436-3/20 od 25.02.2020. godine), poništen javni oglas i obustavljen postupak za prijem u radni odnos kandidata za rukovodioca Službe za pravne poslove, koji bi zamjenio gore navedenog radnika i što je zbog vanredne situacije izazvane pandemijom, njegov angažman kao radnika sa dugogodišnjim radnim iskustvom, a naročito iskustvom u situacijama vanrednog stanja, bio neophodan. U kancelarije JUAS je dolazio isključivo po potrebi, a najčešće dva puta u toku sedmice po 2 do 3 sata, uz sve mjere predostrožnosti.

4. Navodi da je generalni direktor zaključavao radnike na radnom mjestu su proizvoljni i netačni.

Za dodatne informacije i pojašnjenja stojimo na raspolaganju.

Srdačan pozdrav

Nedin Hrelja, mr. ph. MBA

Broj: 01-03-1355/20  
Sarajevo, 01.06.2020. godine